



OIARTZUN ETA ERREENTERIAKO UDALEN ARTEKO HONDAKINEN BILKETA ARLOAN KUDEAKETA-MANDATUA FORMALIZATZEKO LANKIDETZA-HITZARMENA

Oiartzunen, 2018ko abenduaren 3an

Elkartu dira

Alde batetik, Jexux Leonet Elizegi, Oiartzungo Udaleko Alkate-Lehendakaria

Bestetik, Julen Mendoza Perez jauna, Erreenteria Udaleko Alkate-Lehendakaria.

Bi aldeek hondakinen bilketa arloan kudeaketa-mandatu formalizatu eta arautu egingo duen lankidetz-hitzarmen hau sinatzeko legezko ahalmena onartzen diote elkarri ondorengo aurrekarietan oinarrituta.

Aurrekariak

LEHENA.- Egoera materiala.

Oiartzungo eta Erreenteria Udalaren eskumen propio bat da Udal-hondakinak edo hiri-hondakin solidoak bildu eta tratatzeko zerbitzuak antolatzea, kudeatzea, ematea eta kontrolatzea, Euskadiko Toki Erakundeei buruzko 2/2016 Legeak, apirilaren 7koa, 17.17 artikuluan xedaturikoaren arabera. Baita Toki-araubidearen oinarriak arautzen dituen 7/1985 Legeak, apirilaren 2koa, 25.2.b artikuluan arautzen duenez.

Erreenteria Udalak, landa gunean hondakinen biltetarako sistema berri bat ezartzeko beharra ikusi du, eraginkortasuna irabazte aldera. Nabaria den atzerapen estrukturala gaindituz, landa gunean hondakinak gaika biltzeko sistema eraginkorra ezarri asmoa dago, hortaz.

Azterketa tekniko bat egin ostean, landagunean bost ekarpen-guneren erabilera ezartzea aurreikusi da. Horietako hiru berriak izango dira eta bi jada martxan daude, mugakide diren bi herritan baina Erreenteriatik gertu: Perurena (Astigarraga) eta Zerradi (Oiartzun).

Bestalde, Erreenterian kokatuko Zentolen bilteta gunean Oiartzungo hainbat baserri-tako bizilagunek bere hondakinak botako dituzte.

Oiartzungo Udala prest dago Zerradi duen ekarpen-gunearen erabilera Erreenteria Udalarekin konpartitzeko. Hau da: Erreenteria Aldurako gunea eta Zamalbideko gunea arteko zenbait baserrietako biztanleek beraien etxeetako hondakinak Oiartzungo Zerradi aldeko



ekarpen-gune honetan utzi eta kudeatu ahal izateko. Errenteriako Udalak borondate on hori eskertzen du.

Era berean Errenteriako Udala prest dago Zentolen duen ekarpen-gunearen erabilera Oiartzungo Udalarekin konpartitzeko. Hau da: Oiartzungo Larraburu bidea, Txatola bidea eta Zamalbideko bidea. arteko zenbait baserrietako biztanleek beraien etxeetako hondakinak Errenteriako Zentolen aldeko ekarpen-gune honetan utzi eta kudeatu ahal izateko. Oiartzungo Udalak borondate on hori eskertzen du.

BIGARRENA.- Araubidea.

Sektore Publikoaren Araubide Juridikoari buruzko urriaren 2ko 40/2015 Legearen 11. artikulua xedatzen du kudeaketa-mandatuaren tresna. Erakunde publikoen eta organo administratiboen eskumenei dagozkien jarduketa materialak edo teknikoak administrazio bereko edo beste bateko organoen esku utzi ahal izango dira, jarduera horiek azken hauen eskumenen artean ere badaude. Mandatuaren arrazoia jatorrizko organoak bitarteko teknikorik ez izatea edo efikazia arrazoiak izan litezke.

Figura hauek muga bezala dute bere xedea ezin izango duela izan sektore publikoaren kontratazioa arautzen duen legeriak jasotako kontratu motaren bati dagokiona. Gainera, legeak espresuki adierazten du mandatuak ez duela eskumenaren titulartasunaren ezta elementu sustantiboen zesia suposatuko.

Era berean, mandatuaren organo-emalleak mandatuaren xedea den jarduerari oinarria emateko agindu beharreko akto eta ebazpen guztien ardura izango du. Mandatua jasoko duen organoak berriz izaera pertsonaleko datuen tratamenduaren ardura izango du.

HIRUGARRENA.- Formalizazioa.

Kudeaketa-mandatu hitzarmenaren bitartez formalizatuko da eta Gipuzkoako Aldizkari Ofizialean argitaratu beharko da.

Hortaz, sinatzera datoz honako

Klausulak

LEHENA.- Oiartzungo eta Errenteriako Udalek hondakinen bilketa arloan kudeaketa-mandatuari buruzko lankidetzaz hitzarmen hau sinatzen dute honako xede zehatzarekin:

- Errenteriako Aldurako gunea eta Zamalbideko gunea artean kokatzen diren 29 baserrietako biztanleek sortzen dituzten etxeetako hondakinak, Oiartzungo Zerradi kokaturiko ekarpen-gunean uztea eta Oiartzungo Udalak kudeatzea. Beraz, Errenteriako Udalak bere



biztanle zehatz horiek sorten dituzten eta aipatu den ekarpen-gunean modu egokian uzten dituzten hondakinen kudeaketa Oiartzungo Udalaren esku uzten du.

- Oiartzungo Larraburu bidea, Txatola bidea eta Zamalbideko bidea artean kokatzen diren 12 baserrietako biztanleek sortzen dituzten etxeetako hondakinak, Errenteriako Zentolen kokaturiko ekarpen-gunean uztea eta Errenteriako Udalak kudeatzea. Beraz, Oiartzungo Udalak bere biztanle zehatz horiek sorten dituzten eta aipatu den ekarpen-gunean modu egokian uzten dituzten hondakinen kudeaketa Errenteriako Udalaren esku uzten du.

BIGARRENA.- Honakoa da baimen honen barne dauden baserrien zerrenda:

- Errenteriakoak: Portuluze, Oiartzabal, Lekunberri, Añarrezar, Isturitzagabekoa, Isturitzagaerdikoa, Isturitzagagoikoa, Lucerna, Trabaleku, Xenpelarre, Egieder, Aldura, Episkar, Artamugarribekoa, Artamugarriardikoa, Artamugarriegoikoa, Baringarategoikoa, Baringaratebekoa, Iratzeleku, Ermita, Belaztegiberri, Txoritokieta, Lekuonaberri, Ugarteberri, Mugarri, Larretxiki, Larreaundi, Juansendo eta, Bonatxo.

- Oiartzungoak: Larraburu, Larraburuberri, Ezkontzegi Berri, Elbitxuri, Gure Izerdi, Ezkontzegi, Bietxe, Kanaietxe, Gaingorri, Egurrola, Gogorregi eta Bastida.

HIRUGARRENA.- Errenteriako udalaren betebeharrak "Zerradi gunean"

- Herritarrak informatzea: hondakinen sailkapenaren inguruan, ekarpen gunearen erabileraren inguruan... Bere ardura izango da ere, beharrezkoa balitz, hondakinen bilketaren gaineko Ordenantzari dagokion moldaketa egitea.

- Intzidentzien aurrean protokoloa betetzea: erabiltzaileei arauen inguruan informatu. Oiartzungo udalak arazoa jarraitzen duela ohartaraziz gero, prozedura zigortzailea aurrera eramatea hasieratik bukaeraino.

- Giltzen kontrola: Oiartzungo udaltzaingoak izango du serrailaren kontrola. Hala ere, giltzak Errenteriako Udalak jarri beharko ditu eta arazoak daudenean Errenteriako Udalak eman beharko dio jarraipena kontrolari.

- Errenteriako Udalak zerbitzuari dagokion petxa baserriko horietako herritarrei kobratuko die eta Oiartzungo udalari honako ordainketak bideratuko dizkio: ekarpen gunearen mantenu lanen kostua erabiltzaile kopuruaren proportzioaren arabera kalkulatu da. zehazki gastu hauek aurreikusten dira: ekarpen gunearen garbiketa, konponketak eta sarraillaren mantenua.



LAUGARRENA.-Oiartzungo udalaren betebeharrak Zentolen gunean".

- *Herritarrek informatzea: hondakinen sailkapenaren inguruan, ekarpen gunearen erabileraren inguruan... Bere ardura izango da ere, beharrezkoa balitz, hondakinen bilketaren gaineko Ordenantzari dagokion moldaketa egitea.*

- *Intzidentzien aurrean protokoloa betetzea: erabiltzaileei arauen inguruan informatu. Erreterriako udalak arazoa jarraitzen duela ohartaraziz gero, prozedura zigortzailea aurrera eramatea hasieratik bukaeraino.*

- *Giltzen kontrola: Erreterriako udaltzaingoak izango du serrailaren kontrola. Hala ere, giltzak Oiartzungo Udalak jarri beharko ditu eta arazoak daudenean Oiartzungo Udalak eman beharko dio jarraipena kontrolari.*

- *Oiartzungo Udalak zerbitzuari dagokion petxa baserriko horietako herritarrei kobratuko die eta Erreterriako udalari honako ordainketak bideratuko dizkio: ekarpen gunearen mantenu lanen kostua erabiltzaile kopuruaren proportzioaren arabera kalkulatu da. zehazki gastu hauek aurreikusten dira: ekarpen gunearen garbiketa, konponketak eta sarraileen mantenua.*

BOSTGARRENA.- Oiartzungo Udalaren betebeharrak.

- *Zerradin ekarpen-gunearen jasotako hondakin guztien tratamendua gauzatuko du.*
- *Hondakinak ez direla behar bezala uzten antzemanaz gero Erreterriako udalaren zerbitzu teknikoen jakinaren gainean jarriko du beraiek beharrezko neurriak har ditzaten.*

Udaltzainak izango du serrailaren kontrola.

SEIGARRENA.- Erreterriako Udalaren betebeharrak.

- *Zentolen ekarpen-gunearen jasotako hondakin guztien tratamendua gauzatuko du.*
- *Hondakinak ez direla behar bezala uzten antzemanaz gero Oiartzungo udalaren zerbitzu teknikoen jakinaren gainean jarriko du beraiek beharrezko neurriak har ditzaten.*
- *Udaltzainak izango du serrailaren kontrola.*

ZAZPIGARRENA.- Hitzarmen honen jarraipen, zaintza eta kontrolerako bitariko batzorde bat osatuko da. Osaketa mistoa izango da: zinegotziak eta teknikariak. Batzorde horrek ebatziko ditu planteatutako interpretazio- eta betetze-arazoak. Urtean behin bilduko da, gutxienez, eta bi aldeetako batek deitzen duen orotan.



ZORTZIGARRENA.-Sinatzaileetako batek hitzarmena beteko ez balu, ez betetzea arina izatekotan, beste aldeak ohartarazpen idatzi bat egingo lioke. Ez betetze larri baten aurrean, beste aldeak hitzarmenean atzera egin ahal izango du, batzorde parekidean beste irtenbiderik adostu ezean.

BEDERATZIGARRENA.- Hitzarmen honen iraupena urte batekoa izango da. Alde bien adostasunez erabaki daiteke iraupena luzatzea, gehienez ere lau urtera arte. Ez da egongo isilbidezko luzapenik.

HAMARGARRENA.- Hitzarmenaren amaiera.

Hitzarmen honi amaiera jarriko zaio honako arrazoiengatik:

- a) Bi aldeen arteko adostasunarekin.
- b) Iraupen epea amaitu aurreko bi hilabeteko abisuarekin.
- c) Kudeaketa-mandatu emaileak atzera egiteagatik, jarduketa egileak bere jardunean betebeharren bat ez betetzeagatik. Horretarako erabaki arrazoitua hartu behar du eta besteari audientzia epe bat eman.
- d) Mandatu jasotzailearen errenuntziagatik, emailearen betebeharren ez betetzeagatik. Erabaki arrazoitua beharko du eta aurretik audientzia epea eman beharko zaio mandatu emaileari.

HAMAIKAGARRENA.- Alde bien adostasuna beharko da, era berean, indarrean dagoen bitartean hitzarmenaren edukia aldatzeko. Udal bakoitzak akordioa hartu aurretik, batzorde parekidean jorratu beharko da gaia.

Klausula honen ondorioetako, ez da aldaketatzat joko bi herrien baserrien zerrendan izan litezkeen aldaketa puntualak, hauen eraginez urteko kitapenetan izango diren egokitzeak gabe.

HAMABIGARRENA.- Hitzarmenaren araubidea.

Hitzarmen honek izaera administratiboa du eta bere aplikazioan sor litezkeen zalantzak argitzeko, aipaturiko 40/2015 Legeaz gain, Administrazio Publikoen Prozedura Arrunta arautzen duen urriaren 2ko 39/2015 Legea xedaturikoa hartuko da aintzat.

HAMAHIRUGARRENA.- Indarrean sartzea.

Hitzarmena indarrean sartuko da bi aldeen organo eskudunak onarpena eman ondoren,



beti ere bere argitalpena eman bada.

Eta adostasuna adierazteko, aldeek hitzarmen hau sinatzen dute, ale bikoiztuan eta helburu bakar batekin, goiburuan adierazitako leku eta datan.

OIARTZUNGO UDALA

Sin.: Alkatea, Jexux Leonet Elizegi



ERRETERIAKO UDALA

Fdo.: El Alcalde, Julen Mendoza Pérez

